

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 502793 26 St
Tuzla, 24.06.2026.godine

Općinski sud u Tuzli, sudija Antonela Đaković, kao stečajni sudija, u postupku prethodnog ispitivanja prijedloga za pokretanje stečajnog postupka nad dužnikom "BIPHARM" d.o.o. za proizvodnju i promet farmaceutskih, hemijskih, kozmetičkih i prehrambenih proizvoda Lukavac, sa sjedištem u ul. Bistarac Donji bb, dana 24.06.2026. godine donio je

RJEŠENJE

JAVNO SE POZIVAJU predlagač, povjerioci i sva zainteresovana lica da u roku od 30 (trideset) dana od dana objavljivanja rješenja u Službenim novinama F BiH predlože otvaranje stečajnog postupka i na depozitni račun Suda, broj: 132-100-03091233-91 NLB banka dd Sarajevo, predujme iznos od 6.000,00 KM, na ime obezbjeđenja troškova stečajnog postupka nad dužnikom "BIPHARM" d.o.o. za proizvodnju i promet farmaceutskih, hemijskih, kozmetičkih i prehrambenih proizvoda Lukavac, sa sjedištem u ul. Bistarac Donji bb, te da dokaz o izvršenoj uplati dostave sudu pozivom na broj predmeta.

Ukoliko u ostavljenom roku niko od pozvanih ne predloži otvaranje stečajnog postupka i ne uplati određeni predujam, sud će donijeti Rješenje o otvaranju i istovremenom zaključenju stečajnog postupka.

Ako zainteresovana lica predlože otvaranje stečajnog postupka i uplate određeni predujam u navedenom roku, sud će otvoriti stečajni postupak i voditi ga u skladu sa odredbama Zakona o stečaju.

Rješenje će biti objavljeno u Službenim novinama F BiH, web stranci suda i oglasnoj ploči suda.

Obrazloženje

Sud je dana 28.04.2026.godine pokrenuo prethodni postupak radi utvrđivanja uslova za otvaranje stečajnog postupka nad imovinom privrednog društva "BIPHARM" d.o.o. za proizvodnju i promet farmaceutskih, hemijskih, kozmetičkih i prehrambenih proizvoda Lukavac, sa sjedištem u ul. Bistarac Donji bb, a za privremenog stečajnog upravnika imenovan je Senad Uzunić iz Tuzle. Dana 29.05.2026.godine privremeni stečajni upravnik je dostavio Izvještaj o provedenom prethodnom stečajnom postupku.

Iz izvještaja privremenog stečajnog upravnika proizilazi da je djelatnost društva za koju je društvo bilo osnovano 2004. godine veleprodaja i distribucija farmaceutskih proizvoda. Društvo je tek 2012. godine počelo aktivno poslovati kada je Rješenjem Agencije za lijekove i medicinska sredstva BiH odobreno je vršenje prometa na veliko lijekovima. Trenutno je direktor društva Sulejman Banjić. Društvo nije imalo vlastite poslovne prostore nego je uvijek bilo u iznajmljenim poslovnim prostorijama. U vlasništvu su imali započete investicije u poslovnu halu i zemljište međutim isto je prodano u prethodnom periodu. Trenutno u društvu nema zaposlenih uposlenika. Sve obaveze prema zaposlenim

su izmirene i svedene na nulu a isto je potvrđeno i Uvjerenjem Porezne uprave FBiH od 18.03.2026. godine prema kojem društvo nema obaveza za direktne poreze. Društvo je prestalo da posluje, odnosno da aktivno nastupa na tržištu u toku 2025. godine. Računi preduzeća kod tri poslovne banke su bili blokirani na dan donošenja Rješenja o pokretanju prethodnog postupka. Društvo nije uredno vodilo knjigovodstvene evidencije jer su kao aktivne stavke bilansa vodili stavke koje nisu naplative i utržive i koje su trebale biti otpisane na teret rashoda i kapitala. Upisani kapital društva je KM 52.000,00 ali zbog akumuliranog gubitka u posljednje tri godine, ukupni kapital je – 1.301.201 što društvo čini insolventnim. To znači da društvo nema imovine ni u dugom roku da može izmiriti obaveze tj. Obaveze društva su za 1,3 mil veće od imovine društva. Društvo nema obaveza prema poslovnim bankama za kredite. Jedina kreditna obaveza je prema povezanom pravnom licu Zada Pharmaceuticals doo u iznosu KM 176.153 a druga dugoročna obaveza je prema jednom od vlasnika kapitala KM 5.000,00. Od evidentiranih obaveza prema dobavljačima, najveći iznos KM 1.260.348 odnosi se na Zada Pharmaceuticals doo. Ostale obaveze su u manjim iznosima. S obzirom na činjenično stanje imovine, društvo nema mogućnost nastavka poslovanja.

Na osnovu svega gore navedenog, evidentno je da postoji stečajni razlog za otvaranje stečajnog postupka, a prema Zakonu o stečaju FBiH, stečajni upravnik predlaže otvaranje i zaključenje stečajnog postupka jer nema imovine iz koje se mogu podmiriti troškovi vođenja stečajnog postupka kao ni za namirenje povjerilaca.

Stečajni dužnik a što proizilazi iz izvještaja i mišljenja privremenog stečajnog upravnika nije u roku od 60 dana od dana nastupanja platežne nesposobnosti podnio prijedlog za otvaranje stečajnog postupka.

Ispitujući prijedlog za pokretanje stečajnog postupka sud je utvrdio da je prijedlog za otvaranje stečajnog postupka dopušten i osnovan obzirom da je stečajni dužnik platežno nesposoban.

Cijeneći da su ispunjeni uslovi za otvaranje stečajnog postupka, a nakon provedenog prethodnog postupka i dostavljenog izvještaja privremenog stečajnog upravnika, te da je utvrđeno da stečajni dužnik nema imovine za podmirenje obaveza, sud je u smislu odredbe čl. 102 stav 7. Zakona o stečaju pozvao povjerioce i sva zainteresovana lica da izvrše uplatu troškova finansiranja stečajnog postupka u visini od 6.000,00 KM iz kojih sredstava će biti finansirani svi troškovi stečajnog postupka (nagrada i naknada stečajnom upravniku, objavljivanje rješenja u službenim novinama, izrada pečata za društvo u stečaju, podnošenja finasijskih izvještaja nadležnim institucijama sve do postupka brisanja društva dužnika iz sudskog registra privrednih društava), obzirom da prema prijavi privremenog stečajnog upravnika društvo ne posjeduje imovinu.

Ukoliko povjerioci ili neko od zainteresovanih lica u ostavljenom roku ne izvrši uplatu predujma troškova za vođenje stečajnog postupka, sud će otvoriti stečajni postupak i odmah ga zaključiti u skladu sa odredbama člana 102. stav 8. Zakona o stečaju (Službene novine FBiH broj 53/21).

Odluka o dostavi rješenja i javnom oglašavanju putem oglasne ploče suda, WEB stranice Općinskog suda u Tuzli i javnog objavljivanja u Sl. Novina F BiH, zasniva se na odredbi člana 103. stav 8. Zakona o stečaju.

Stečajni sudija

Antonela Đaković

POUKA O PRAVNOM LIJEKU: Protiv ovog rješenja nije dozvoljena žalba.